

შეთანხმება

საქართველოს მთავრობას, შპს „ენერჯი სოლუშენს-ნატანებსა“ და სს „ელექტროენერგეტიკული სისტემის კომერციულ ოპერატორს“ შორის 2015 წლის 23 ივნისს დადებული ურთიერთგაგების მემორანდუმის შეწყვეტის თაობაზე

ქ. თბილისი

19 თებერვალი, 2016 წ.

წინამდებარე შეთანხმება დადებულია შემდეგ მხარეებს შორის:

საქართველოს მთავრობა, (შემდგომში „მთავრობა“), წარმოდგენილი საქართველოს ენერჯეტიკის მინისტრის, ილია ელოშვილის მიერ;

შპს „ენერჯი სოლუშენს-ნატანები“ (შემდგომში „კომპანია“), ს/კ: 405059626, წარმოდგენილი დირექტორის, გიორგი აბრამიშვილის მიერ;

სს „ელექტროენერგეტიკული სისტემის კომერციული ოპერატორი“ (შემდგომში „ესკო“), ს/კ: 205170036, წარმოდგენილი გენერალური დირექტორის, ვახტანგ ამბოკაძის მიერ.

ვინაიდან, საქართველოს მთავრობას, შპს „ენერჯი სოლუშენს-ნატანებსა“ და სს „ელექტროენერგეტიკული სისტემის კომერციულ ოპერატორს“ შორის 2015 წლის 23 ივნისს დაიდო ურთიერთგაგების მემორანდუმი ჰიდროელექტროსადგურ „ნატანები 2“-ის (შემდგომში - „ელექტროსადგური“) ტექნიკურ-ეკონომიკური განხორციელებადობის საკითხების შესწავლის, მშენებლობის, ფლობისა და ოპერირების შესახებ (შემდგომში - „მემორანდუმი“);

ვინაიდან, კომპანიამ შეასრულა მემორანდუმით განსაზღვრული წინასაშენებლო ფაზის ფარგლებში ნაკისრი ვალდებულებები, მათ შორის, საქართველოს ენერჯეტიკის სამინისტროს წარუდგინა ელექტროსადგურის მშენებლობის განხორციელებადობის ტექნიკურ-ეკონომიკური საკითხების კვლევისა და გარემოზე ზემოქმედების შეფასების ანგარიშები;

ვინაიდან, კომპანიის ინფორმაციით, ელექტროსადგურის მშენებლობის განხორციელებადობის ტექნიკურ-ეკონომიკური საკითხების კვლევის შედეგების საფუძველზე, გამოვლინდა, რომ მოცემულ ეტაპზე კომპანიისთვის შეუძლებელია ელექტროსადგურის ელექტროგადამცემ ქსელთან მიერთება, რის გამოც ელექტროსადგურის მშენებლობა და ოპერირება კომპანიისთვის არ არის ტექნიკურ-ეკონომიკურად მიზანშეწონილი;

ვინაიდან, ყოველივე ზემოაღნიშნულის გათვალისწინებით, კომპანიამ უარი თქვა პროექტის განხორციელებაზე და წერილობით მიმართა საქართველოს ენერჯეტიკის სამინისტროს მემორანდუმის შეწყვეტის მოთხოვნით;

აქედან გამომდინარე, მხარეები დებენ წინამდებარე შეთანხმებას შემდეგზე:

1. მემორანდუმი შეწყდეს წინამდებარე შეთანხმების ხელმოწერის მომენტიდან, ამ შეთანხმების მე-2 მუხლით გათვალისწინებული პირობებით.
2. წინამდებარე შეთანხმების შესაბამისად მემორანდუმის შეწყვეტა გამოიწვევს შემდეგს:
 - 2.1. კომპანიას მემორანდუმის შეწყვეტისთანავე ჩამოერთმევა პროექტის განხორციელების უფლება;
 - 2.2. სახელმწიფოს მემორანდუმის შეწყვეტისთანავე უსასყიდლოდ გადაეცემა შესაბამისი უფლებები (მათ შორის, საკუთრების უფლება) პროექტის განხორციელებისთვის საჭირო ან/და მისი ზემოქმედების ქვეშ მოქცეულ მიწის ნაკვეთებზე (ასეთის არსებობის შემთხვევაში), რომლებიც გადაცემის მომენტისთვის უნდა იყოს უფლებრივად უნაკლო;
 - 2.3. მთავრობას მემორანდუმის შეწყვეტისთანავე უსასყიდლოდ გადაეცემა საკუთრების უფლება (მათ შორის, ინტელექტუალური საკუთრების უფლება) კომპანიის ხელთ არსებულ ელექტროსადგურის მშენებლობის განხორციელებადადობის ტექნიკურ-ეკონომიკური საკითხების კვლევისა და გარემოზე ზემოქმედების შეფასების ანგარიშებზე, ისევე, როგორც პროექტთან დაკავშირებულ, მათ შორის, კომპანიის მიერ შემუშავებულ, სხვა ნებისმიერ დოკუმენტსა და ნახაზზე.
3. წინამდებარე შეთანხმების დადების დღიდან, „კომპანია“ ადასტურებს და აცხადებს თანხმობას, რომ მას საქართველოს მთავრობის ან/და „ესკოს“ მიმართ არ აქვს და არც ექნება არანაირი სახის, როგორც პირდაპირი, ასევე არაპირდაპირი, ნაცნობი თუ უცნობი, წარსულში, აწმყოში თუ მომავალში აღმოცენებული მემორანდუმიდან გამომდინარე ან/და მასთან დაკავშირებული მოთხოვნები/უფლებები/პრეტენზიები, ხოლო ასეთის არსებობის შემთხვევაში უარს ამბობს ყველა და ყოველ ასეთ მოთხოვნაზე/უფლებაზე/პრეტენზიაზე, მათ შორის, რაიმე სახის კომპენსაციის/საინვესტიციო ხარჯის ანაზღაურების მოთხოვნის უფლებაზე, საქართველოს მთავრობის ან/და „ესკოს“ წინაშე.
4. ამ შეთანხმების მე-2 მუხლით განსაზღვრული პირობების კომპანიის მიერ სრულად და ჯეროვნად შესრულების შემდეგ, 15 (თხუთმეტი) კალენდარული დღის ვადაში კომპანიას უნდა დაუბრუნდეს მის მიერ მემორანდუმით განსაზღვრული წინასაშენებლო ფაზის ფარგლებში ნაკისრი ვალდებულებების უზრუნველყოფის მიზნით მთავრობის სასარგებლოდ წარდგენილი გარანტია 37,500.00 (ოცდათრვიდმეტი ათას ხუთასი) აშშ დოლარის ოდენობით.
5. წინამდებარე შეთანხმებით განსაზღვრული მემორანდუმის შეწყვეტის მექანიზმი სრულად ანაცვლებს მემორანდუმით გათვალისწინებულ შეწყვეტის მექანიზმს, რის გამოც ამ შეთანხმების დადების დღიდან მემორანდუმით გათვალისწინებული შეწყვეტის მექანიზმი მხედველობაში აღარ მიიღება.

6. წინამდებარე შეთანხმება დადებულია, რეგულირდება და განიმარტება საქართველოს კანონმდებლობის შესაბამისად. ნებისმიერ დავა, რომელიც წარმოიშვება ამ შეთანხმებიდან ან/და მასთან კავშირში, გადაწყდება საქართველოს საერთო სასამართლოების მიერ.

7. წინამდებარე შეთანხმება ძალაში შედის მხარეთა მიერ მისი ხელმოწერის დღიდან. იგი შედგენილია ქართულ ენაზე სამ თანაბარმნიშვნელოვან ეგზემპლარად.

მხარეთა ხელმოწერები:

საქართველოს მთავრობა


ილია ელოშვილი

შპს „ენერჯი სოლუშენსნატანები“

გიორგი აბრამიშვილი

სს „ელექტროენერჯის სისტემის კომერციული ოპერატორი“

ვახტანგ მხოკოძე





საქართველოს მთავრობის განკარგულება

№2177 2016 წლის 7 ოქტომბერი ქ. თბილისი

საქართველოს მთავრობას, შპს „ენერჯი სოლუშენს-ნატანებსა“ და სს „ელექტროენერგეტიკული სისტემის კომერციულ ოპერატორს“ შორის 2015 წლის 23 ივნისს „ნატანები 2“ ჰიდროელექტროსადგურის ტექნიკურ-ეკონომიკური განხორციელებადობის საკითხების შესწავლის, მშენებლობის, ფლობისა და ოპერირების შესახებ დადებული ურთიერთგაგების მემორანდუმის შესახებ

1. მოწონებულ იქნეს საქართველოს მთავრობას, შპს „ენერჯი სოლუშენს-ნატანებსა“ და სს „ელექტროენერგეტიკული სისტემის კომერციულ ოპერატორს“ შორის დასადები შეთანხმება, ამავე მხარეებს შორის 2015 წლის 23 ივნისს „ნატანები 2“ ჰიდროელექტროსადგურის ტექნიკურ-ეკონომიკური განხორციელებადობის საკითხების შესწავლის, მშენებლობის, ფლობისა და ოპერირების შესახებ დადებული ურთიერთგაგების მემორანდუმის შეწყვეტის თაობაზე.

2. ამ განკარგულების პირველ პუნქტში მითითებული შეთანხმების შესაბამისად, შპს „ენერჯი სოლუშენს-ნატანებს“ დაუბრუნდეს ურთიერთგაგების მემორანდუმის ფარგლებში საქართველოს მთავრობის



საქართველოს იუსტიციის სამინისტრო
MINISTRY OF JUSTICE OF GEORGIA



KA010167684133216

საქართველო, ქ. თბილისი, 0114, გორგასლის ქ.24 ა. ტელ.: 2 40-51-48, 2 40-58-36; ელ. ფოსტა: info@justice.gov.ge
24 a, Gorgasali str., 0114, Tbilisi, Tel.: 2 40-51-48, 2 40-58-36, E-MAIL: info@justice.gov.ge

№6551

06 / ოქტომბერი / 2016 წ.

საქართველოს ენერჯეტიკის
მინისტრის მოადგილეს,
ბატონ ირაკლი ხმალაძეს

ბატონო ირაკლი,

საქართველოს იუსტიციის სამინისტრომ განიხილა თქვენ მიერ 2016 წლის 05 ოქტომბრის №04/4024 წერილით წარმოდგენილი საქართველოს მთავრობას, შპს „ენერჯი სოლუშენს-ნატანებსა“ და სს „ელექტროენერჯეტიკული სისტემის კომერციულ ოპერატორს“ შორის 2015 წლის 23 ივნისს დადებული ურთიერთგაგების მემორანდუმის შეწყვეტის თაობაზე შეთანხმების პროექტი, რომელთან დაკავშირებითაც გაცნობებთ, რომ სამართლებრივი ხასიათის შენიშვნები არ გვაქვს.

პატივისცემით,

მინისტრის პირველი მოადგილე

ალექსანდრე ხარაშიძე



ელექტროენერგეტიკული ბაზრის ოპერატორი
Electricity Market Operator

საქართველო, თბილისი, 0114, ბარათაშვილის ქ. 2
ტელეფონი: 2401420; ფაქსი: 2601915

2 Baratashvili Str., 0114 Tbilisi, Georgia
Phone: +995 32 2401420; Fax: +995 32 2601915

N 01/1133
03/10/2016

1133-01-2-201610031127



საქართველოს ენერგეტიკის მინისტრის
მოადგილეს ბატონ ირაკლი ხმაღამეს

ბატონო ირაკლი,

საქართველოს ენერგეტიკის სამინისტროს 2016 წლის 29 სექტემბრის #04/3966 წერილის პასუხად გაცნობებთ, რომ ბაზრის ოპერატორმა კანონმდებლობით მინიჭებული კომპეტენციის ფარგლებში განიხილა საქართველოს მთავრობას, შპს „ენერჯი სოლუმენს ნატანებსა“ და სს „ელექტროენერგეტიკული სისტემის კომერციულ ოპერატორს“ შორის დასადები შეთანხმების პროექტი (ნატანები 2 ჰესი), რომელთან დაკავშირებითაც შენიშვნები არ გავაჩნია.

პატივისცემით,

ვახტანგ ამბოკაძე

გენერალური დირექტორი

OFFICE@ESCO.GE • WWW.ESCO.GE

სს „ელექტროენერგეტიკული სისტემის კომერციული ოპერატორი“
რეგისტრირებულია ქ. თბილისის საგადასახადო ინსპექციის მიერ 07.08.2006; საიდ. კოდი 205170036

ELECTRICITY SYSTEM COMMERCIAL OPERATOR JSC
Registered by Tbilisi Tax Inspectorate on 07.08.2006; ID CODE 205170036